

Denzlinz: Beixnuengx Bouxcuengh Yauzcuz Caemhcaez Caeq “Yauzvuengz”

田林: 壮瑶同胞共祭“瑶王”



▲ Yauzcuz beixnuengx diuq fouxsanhcinghdau.

► Yauzcuz beixnuengx ciengq go Yauzvuengz.



▲ Yauzcuz beixnuengx gveng bausa guh' angq.



2 nyied 18 hauh, Denzlinz Yen Lucwngz Yauzcuz Yangh vunz laiz vunz daih, nauhyied dangqmaz, beixnuengx Bouxcuengh, Yauzcuz youq gizneix guh caeq “Yauzvuengz” hozdung. Baez hozdung neix miz dwk lwggayangq, dik lwggouz, gveng bausa, diuq fouxsanhzyenzsw, fouxsanhcinghdau, doiq fwen eu fwen daengj. Hozdung neiyungz lai, youh ndeiawj. Daegbied dwg gyoengqvunz ciengq fwen Yauzvuengz guh caeq seiz, gyoengq mehmbwk bouxsai hopngomx baenz song aen gvaengz hung, bouxsai cuengq gvaengz ciengq fwen, mehmbwk gaen dwk ciengq, ndawde miz vunz aemq swx gwed gvat, roq doengzcuk, caiq yienh gij ciengzmienh “Yauzvuengz” hwnj bya vat yw, guh yw caeuq ywbingh haenx, gyoengqvunz hix aeu neix daeuj biujdap gij gamjingz beixnuengx Bouxcuengh caeuq beixnuengx Yauzcuz gingq “Yauzvuengz” haenx, caemhcaiq yienh' ok le beixnuengx Yauzcuz gwndaenj ngoenz beij ngoenz vuenyungz vaiqlag.

(Vangz Suifangh sij Cinz Yungj hoiz)

Yungzsuij: Haihag Ngoenz Daih'it Hwnj Go “Vanzbauj”

融水: 苗娃开学“环保”第一课

2 nyied 17 hauh, dwg Yungzsuij Myauzcuz Swciyen hagdangz bi moq haihag ngoenz daih'it. Yienh gyauyuzgiz, gyaundeiz bangunhsiz, fulenz lienzhab youq yienh Vaizbauj Cin Cunghsinhyau guh “Yungzsuij Bi 2014 Haihag Dangz Daih'it ‘Yungzsuij Gyaundeiz · Cinghseuq Lajmbanj’” hozdung, hawj hagseng hwnj dangz goq baenloih nyapnyaj caeuq baujhoh vanzging cihsiz ndeu, cujiz hagseng bae ngonzyawj ciengz coemh nyapnyaj, son hagseng daj iq hag baenz sibgvenq ndei gyaenz cinghseuq, mbouj luenh gveng nyapnyaj, ndaej daengz saeseng haenhndei.

(Liu Swjyenh/廖子渊)



▲ Boux gungh-coz yinzyenz hawj hagseng gaisau gij gisuz yenzlij coemh nyapnyaj.

◀ Hagseng aeu ceijfeiq guh baenz gajq cangyaen.

Vanzgyangh: Mauhvacuk Bienqbaenz “Gim”

环江: 古老“顶卡花”致富“金娃娃”

Mauhvacuk dwg yiengh gaiq-daenj Mauznanzcuz ndeu, ndaej lied haeuj daengx guek daihsam buek guekgya gaep “feihvuzciz vwnzva yizcanj” mingzloeg. Aenvih dangdieg cwngfuj yawjnaek baujhoh “feihyiz” hanghmoeg, gingciengz miz giva, miz muzdiz guh beizyin hozdung, cingj bouxcangh san mauhvacuk daeuj son vunz banlaeng san mauhvacuk, gungganq boux ciepban moq. Seizneix, mauhvacuk gai ndaej gig hoengh, miz boux seng'eiq hwnj ranz daeuj cawx, lij gai daengz guekrog bae, dwg aen hanghmoeg daih'it Mauznanzcuz ginzcung ndaej demsou baenzfouq ndeu.

(Sinhvwnz)



▲ Dahsau Mauznanzcuz san mauhvacuk.

Gunghcwngz: Hawciengz Gai Dinfaexmak Hoenghhdhwd

恭城: 水果苗木市场繁荣



Seizneix dwg seizciet ndei gai dinfaexmak. Gunghcwngz Yauzcuz Swciyen mboengqneix moix daengz ngoenzhaw, gwnzgai gai rim din faex makmaenj, makit, maksanhcah, ngoenz miz 1500 lai boux guh seng'eiq, nungzminz haenx daeuj cawx, ngoenz gai dinfaex mauhgyaq 4 fanh go.

(Cwng Ciminj/郑智敏)

◀ Gyoengqvunz nyaengq gaicawx dinfaexmak.